



XUNTA DE GALICIA

CONVENIO DE COLABORACIÓN ENTRE A CONSELLERÍA DE ECONOMÍA, EMPREGO E INDUSTRIA E O CONCELLO DE VIGO PARA A ACREDITACIÓN DA FORMACIÓN IMPARTIDA POLO CONCELLO DE VIGO NO MARCO DO PROXECTO “VIGO POLA INSERCIÓN LABORAL”, COFINANCIADO POLO FONDO SOCIAL EUROPEO

Santiago de Compostela, 20 de xaneiro de 2020

COMPARECEN

Por unha banda,

Don Pablo Casal Espido, director xeral de Orientación e Promoción Económica, nomeado por Decreto 79/2019, do 11 de xullo (DOG n.º 132, do 12 de xullo) en representación da Xunta de Galicia en virtude da Resolución da Orde do 27 de xuño de 2018, sobre delegación de sinatura

E pola outra,

Don Abel Losada Álvarez, na súa calidade de concelleiro delegado da área de Cultura, Emprego e Participación Cidadá, en virtude da Resolución de delegación de competencias da Alcaldía do 18 de xuño de 2019, na representación legal do Concello de Vigo.

E actuando Dona María Concepción Campos Acuña, en calidade de secretaria do Goberno Local do Concello de Vigo, dando fe do acto que se celebra.

Actúan as partes no exercicio dos seus cargos e na representación que ostentan recoñecéndose reciprocamente a capacidade suficiente para asinar este convenio e:

EXPOÑEN:

PRIMEIRO

A Dirección Xeral de Relacións coas Comunidades Autónomas e Entes Locais, dependente da Secretaría de Estado para as Administracións Territoriais convocou, mediante a Orden PRA/37/2018, de 16 de xaneiro, publicada no BOE número 21 do 24 de xaneiro de 2018, axudas dirixidas a entidades locais no marco do Programa Operativo de Emprego, Formación e Educación (POEFE).

O POEFE é un instrumento de programación e planificación de Fondos Estructurais e de Inversión Europeos, concretamente do Fondo Social Europeo, que busca a consecución de obxectivos no marco da Estratexia Europea 2020. E neste ámbito concreto coincide plenamente co Programa Nacional de Reformas que inclúe entre as súas medidas, impulsar a inclusión sociolaboral das persoas máis vulnerables.

Estas axudas correspóndense co Eixo 2 do Obxectivo temático 9 do Programa que está destinado a “Promover a inclusión social e loitar contra a pobreza e calquera forma de discriminación”. Como



XUNTA DE GALICIA

obxectivo específico pretenden mellorar a inserción sociolaboral das persoas en situación de vulnerabilidade, a través de medidas de activación de itinerarios integrados e personalizados de inserción.

O Concello de Vigo presentou a esta convocatoria de axudas o proxecto **Vigo Pola Inserción Laboral**. O proxecto ten como finalidade a realización de actividades formativas que contribúan a reforzar a empregabilidade e as competencias profesionais das persoas con máis dificultades de acceso ó emprego.

Na resolución do 13 de decembro de 2018 da Dirección Xeral de Cooperación Autonómica e Local, publicada no BOE número 305 do 19 de decembro de 2018, o Concello de Vigo obtén unha axuda para o dito proxecto por parte do FSE, de 1.698.089,07€, proxecto que conta cun importe total de 2.122.611,34 €.

Este programa establécese para o término municipal do Concello de Vigo e desenvolverá itinerarios formativos que inclúen a formación nos seguintes certificados de profesionalidade.

CERTIFICADOS DE PROFESIONALIDADE				
Código	Nome	Nº de edicións	Nivel	Alumnado total
COMT0211	Actividades auxiliares de comercio	2	1	30
HOTR0308	Operacións básicas de catering	2	1	30
SSCS02208	Atención sociosanitaria a persoas dependentes en institucións sociais	1	2	14
COMV0108	Actividades de venta	4	2	60
COML0210	Organización e xestión de almacéns	3	3	45
HOTR0108	Operacións básicas de cociña	5	1	75
COMT0112	Actividades de xestión do pequeno comercio	2	2	30
FMEC0210	Soldadura oxigás y soldadura MIG/MAG	2	2	30

A maiores no marco de eses itinerarios incluíranse outras actividades formativas que **non** conducen a ningún certificado de profesionalidade así como outras actuacións como a titorización e a orientación.

Na implementación práctica dos itinerarios observarase, en todo caso, os requirimentos substanciais recollidos nos certificados de profesionalidade correspondentes.

SEGUNDO

Entre as competencias que en materia laboral lle corresponde á Comunidade Autónoma de Galicia, consonte o establecido no artigo 29.1 do Estatuto de Autonomía de Galicia, está a promoción do emprego e a formación profesional ocupacional, tendo atribuído o seu exercicio á Consellería de Economía, Emprego e Industria, de conformidade co establecido no Decreto 69/1993 de 10 de



XUNTA DE GALICIA

marzo, de asunción e asignación das funcións e servizos transferidos en materia de formación profesional ocupacional, e no Decreto 135/2017, do 28 de decembro, polo que se establece a estrutura orgánica da Consellería de Economía, Emprego e Industria.

Co obxectivo de dar resposta eficaz ás demandas do mercado de traballo na promoción de novas oportunidades de emprego e tendo en conta que se considera a Formación Profesional como un instrumento básico dentro das políticas activas, é necesario promover unha oferta de formación profesional conducente a potenciar a inserción e reinserción profesional da poboación demandante de emprego, mediante a cualificación, recualificación ou posta ó día das súas competencias profesionais.

TERCEIRO

Ambas institucións comparten a crenza de que a mellor e máis prioritaria inversión é o capital humano. No momento actual, cómpre actuar conxuntamente e tomar medidas combinadas que supoñan a optimización dos recursos públicos previstos polas diferentes administracións para incentivar e dinamizar o mercado e fomentar as cualificacións dos recursos humanos, contribuíndo a concretar algunha das actuacións propostas na Comunicación da Comisión ó Consello Europeo de 26 de novembro de 2008 denominada “Un plan europeo de recuperación económica” [COM(2008) 800 final].

Por todo o anterior, e na procura da optimización do uso dos recursos públicos, en concreto, do financiamento proporcionado polo Fondo Social Europeo e pola Administración Local, ambas partes consideran de interese a sinatura deste convenio, cos compromisos que a continuación se relacionan.

ACORDAN:

Sentar as bases, definidas nas cláusulas que a continuación se recollen, para que a formación establecida no punto primeiro deste convenio, impartida dentro do proxecto **Vigo Pola Inserción Laboral**, leve consigo a acreditación a través da expedición dos correspondentes certificados de profesionalidade, que en todo caso serán emitidos polo órgano competente da Comunidade Autónoma de Galicia, logo de cumprir os requisitos previstos para tal fin no presente convenio.

CLÁUSULAS:

PRIMEIRA: OBXECTO

O obxecto deste convenio é recoller as características e condicións que debe reunir a formación impartida no proxecto Vigo Pola Inserción Laboral asociada ós certificados de profesionalidade para que o alumnado participante nas mesmas, que finalice con avaliación positiva os módulos formativos asociados a cada un destes certificados de profesionalidade, poida acceder á súa expedición por parte da Xunta de Galicia.

O obxecto da formación a desenvolver é proporcionar ás persoas que nela participen unha cualificación profesional que lles permita acceder en mellores condicións de empregabilidade ó



XUNTA DE GALICIA

mercado laboral, obxectivo que é compartido pola Consellería de Economía, Emprego e Industria.

A formación impartida realizarase de forma presencial e desenvolverá todos os módulos formativos incluídos nos certificados de profesionalidade referidos.

Os medios materiais didácticos, o cadro docente e os locais onde se impartirá a formación, responderán ós requirimentos esixidos nos reais decretos onde se regulan os certificados de profesionalidade correspondentes en cada caso.

SEGUNDA. OBRIGAS DO CONCELLO DE VIGO

O Concello de Vigo obrígase mediante este convenio a desenvolver a formación referente ós Certificados de Profesionalidade referidos no parágrafo PRIMEIRO deste convenio, cumprindo os requisitos esixidos na normativa referida. Nomeadamente comprométese a:

1. Comunicar á Xefatura Territorial da Consellería de Economía, Emprego e Industria de Pontevedra o calendario de desenvolvemento das accións formativas a impartir, o lugar onde se impartirá a formación teórica, o centro de traballo onde se realizarán as prácticas, o programa formativo en formato normalizado, co desenvolvemento de cada un dos módulos formativos que comprenda a acción formativa a impartir, a duración e os equipamentos necesarios, a relación dos docentes cos respectivos curriculums. Ó finalizar as accións formativas comunicará a relación do alumnado que finalizou o curso con avaliación positiva.

Para isto o Concello de Vigo comprométese especificamente a garantir que as empresas que desenvolvan a formación referente ós certificados de profesionalidade mencionados formen parte do Rexistro de Centros e Entidades de Formación para o Emprego da Xunta de Galicia e que empregarán a aplicación SIFO (na que rexistrarán o calendario de realización dos cursos, as actas de selección dos candidatos como alumnos dun curso, a relación de alumnos e profesores coa súa asistencia por curso e día, as prácticas non laborais e, de ser o caso, os contratos), para facilitar a labor de supervisión, coordinación e control polos técnicos da Xefatura Territorial de Pontevedra, pertencente á Consellería de Economía, Emprego e Industria.

2. Seleccionar ó alumnado a través da oferta de formación do Servizo Público de Emprego de Galicia. Os criterios de selección que se aplicarán serán o cumprimento dos requisitos esixidos polo certificado correspondente e a pertenza a grupos ou colectivos de vulnerabilidade no emprego.

3. Verificar, con anterioridade ó inicio da acción formativa, que o alumnado reúne os requisitos esixidos para acceder á formación de nivel 2 e 3, segundo a normativa de referencia, e que a especialidade formativa segue de alta no ficheiro de especialidades formativas do SEPE.

4. Impartir a formación en locais acreditados pola Consellería de Economía, Emprego e Industria para a impartición das especialidades formativas referidas neste convenio. Tal e como xa se citou, o Concello de Vigo garantizará que as accións formativas serán contratadas a empresas que pertencen ó Rexistro de Centros e Entidades de Formación para o Emprego da Xunta de Galicia que estean homologadas para impartir cada un dos certificados de profesionalidade e que empreguen a aplicación SIFO para comunicar toda a información, os datos e a documentación esixida pola Consellería de Economía, Emprego e Industria.



XUNTA DE GALICIA

5. Someterse ás actuacións de supervisión e control que, en calquera momento, poidan acordar os servizos competentes da Consellería de Economía, Emprego e Industria, así como todas aquelas actuacións de avaliación, seguimento e control esixidas polo RD 34/2008, do 18 de xaneiro, polo que se regulan os certificados de profesionalidade.
6. Verificar que as empresas de formación contratadas imparten os módulos de formación práctica en centros de traballo, segundo o previsto nos reais decretos que regulan os certificados de profesionalidade e que comunicarán á Xefatura Territorial da Consellería de Economía, Emprego e Industria, os convenios de colaboración cos ditos centros, así como toda a documentación relativa ós mesmos como as pólizas de seguros contratadas.
7. Que todo o persoal docente, participante na formación, reúna as prescricións sobre a formación e experiencia profesional recollidas no anexo IV de cada certificado, segundo o establecido nos respectivos reais decretos e que será comunicado polas empresas de formación contratadas mediante o SIFO.
8. Avaliar ó alumnado por módulos formativos, de forma sistemática e continua, co obxectivo de comprobar os resultados da aprendizaxe e, en consecuencia, a adquisición das competencias profesionais, segundo o establecido nos reais decretos polos que se regulan os certificados de profesionalidade.
9. Asesorar na tramitación da solicitude dos certificados de profesionalidade a todas as persoas que cumprindo os requisitos de acceso á formación, a rematen con avaliación positiva. En ningún caso a Consellería de Economía, Emprego e Industria adquirirá a responsabilidade nin obriga ningunha respecto daquelas persoas que puideran participar na formación sen reunir os requisitos de acceso esixidos polos certificados de profesionalidade.
10. Desenvolver a formación aquí recollida con medios económicos procedentes do proxecto do Fondo Social Europeo aprobado, sen que en ningún caso a Consellería de Economía, Emprego e Industria adquira ningún compromiso ou responsabilidade económica derivada do desenvolvemento e/ou xestión da mesma.

TERCEIRA. COMPROMISOS DA CONSELLERÍA DE ECONOMÍA, EMPREGO E INDUSTRIA

A Consellería de Economía, Emprego e Industria obrígase a expedir os correspondentes certificados ou, no seu caso, as unidades de competencias a quen o solicite e demostre ter superado todos os módulos do devandito certificado ou unidade de competencia, a través da formación impartida por esta institución correspondente ós itinerarios de formación recollidos no punto PRIMEIRO deste escrito, unha vez comprobado o cumprimento dos requisitos esixidos neste convenio e na normativa reguladora dos certificados de profesionalidade.

En ningún caso a Consellería de Economía, Emprego e Industria adquirirá ningunha responsabilidade respecto daquelas persoas que puidesen participar na formación sen reunir os requisitos de acceso esixidos polos certificados de profesionalidade ou se a formación fora impartida sen cumprir os requisitos propios do certificado nin ningún compromiso ou responsabilidade económica derivada do desenvolvemento e/ou xestión da mesma.



XUNTA DE GALICIA

CUARTA. COMISIÓN DE SEGUIMIENTO

Constitúese unha comisión de seguimento deste convenio, formada polo conselleiro de Economía, Emprego e Industria ou persoa en quen delegue, unha persoa funcionaria da Dirección Xeral de Orientación e Promoción Laboral designada polo anterior, o concelleiro de Emprego, Cultura e Participación Cidadá do Concello de Vigo, Abel Losada Álvarez ou persoa en quen delegue e calquera outra persoa técnica que as partes consideren oportuno incluír de mutuo acordo. Esta Comisión exercerá, principalmente, as seguintes funcións:

- Interpretación e resolución de cantas dúbidas ou conflitos se formulen na interpretación do presente convenio e a súa aplicación.
- Vixilancia e seguimento do cumprimento do convenio.
- Aqueloutras que para o efecto se lle encomenden.

As cuestións litixiosas xurdidas acerca da súa interpretación, modificación e resolución, serán resoltas pola Consellería de Economía, Emprego e Industria.

Contra estas resolucións poderá interpoñerse recurso potestativo de reposición, segundo o disposto na Lei 39/2015, do 1 de outubro, do procedemento administrativo común ou directamente recurso contencioso-administrativo, de acordo co disposto na Lei 29/1998, do 13 de xullo, reguladora da xurisdición contencioso-administrativa.

QUINTA. NATUREZA DO CONVENIO

O presente convenio ten natureza administrativa, rexéndose nos seus efectos polo establecido nas súas cláusulas, e aplicándose a Lei 40/2015, de 1 de outubro, o Real Decreto 34/2008, de 18 de xaneiro e a Orde ESS/1897/2013, de 10 de outubro, os principios da Lei 9/2017, de 8 de novembro, de Contratos do Sector Público, para resolver as dúbidas e as lagoas que podan presentarse, de acordo co seu artigo 4.

SEXTA. REXISTRO

Este convenio será obxecto de inscrición no rexistro de convenios da Xunta de Galicia, tal e como establece o Decreto 126/2006, do 20 de xullo, polo que se regula o Rexistro de Convenios da Xunta de Galicia, así coma no Rexistro Municipal de Convenios do Concello de Vigo.

Os asinantes do convenio manifestan o seu consentimento ou autorización para que os seus datos persoais que consten no convenio, e mailo resto das especificacións contidas no mesmo, poidan ser publicados no Portal de Transparencia e Goberno Aberto, consonte ó establecido nos artigo 4 e seguintes da Lei 3/2013, do 9 de decembro, de transparencia, acceso á información pública e bo goberno e os artigos 29 e seguintes da Lei 1/2016, de 18 de xaneiro de transparencia e bo goberno.

SÉTIMA. EXTINCIÓN OU RESOLUCIÓN DO CONVENIO

Serán causas de extinción ou resolución do presente convenio:



XUNTA DE GALICIA

- a) O incumprimento das súas cláusulas por calquera das partes.
- b) A alteración substancial das condicións que propiciaron a súa celebración.
- c) O mutuo acordo.

En caso de extinción ou resolución do convenio, calquera que fose a súa causa, as actuacións ás que ven referido o seu texto, e que no momento da resolución ou extinción se atoparan en curso de realización, continuarán o seu desenvolvemento ata a súa finalización.

OITAVA. CONFIDENCIALIDADE E PROTECCIÓN DE DATOS DE CARÁCTER PERSOAL

As partes comprométense a manter estrita confidencialidade respecto de calquera información que lles sexa subministrada en virtude do presente convenio a non ser que por parte das mesmas se autorizase expresamente a súa difusión.

Este compromiso de confidencialidade farase extensible ó tratamento de calquera outros datos e informacións de carácter persoal a que as partes puidesen ter acceso como consecuencia da execución do presente convenio.

Neste sentido as partes comprométense a cumprir adecuadamente e, en todo momento as obrigas derivadas da Lei 3/2018, de 5 de decembro, de Protección de Datos e Garantía dos Dereitos Dixitais e do do Regulamento (UE) 2016/679 – RXPDP do Parlamento Europeo e do Consello sobre protección de datos de carácter persoal e das demais disposicións vixentes nesta materia, respecto do tratamento dos datos persoais facilitados, cuxo prazo de conservación será o necesario para a completa execución do procedemento, incluído o prazo de prescrición a efectos de posibles responsabilidades derivadas da actividade ou do dito tratamento. Os datos poderán ser cedidos a outras Administracións públicas cando sexa necesario para a correcta prestación do servizo ou ben en cumprimento dun mandato legal ou xudicial. Tamén poderán ser verificados e cotexados con calquera outros dos que as demais Administracións dispoñan a fin de comprobar a súa exactitude e veracidade. As persoas interesadas poderán exercer os dereitos de acceso, rectificación, supresión, oposición, limitación do tratamento e portabilidade, así como opoñerse á toma de decisións individuais automatizadas, incluída a elaboración de perfís, na forma prevista na normativa vixente, perante o órgano responsable do ficheiro (Concello de Vigo). Así mesmo teñen dereito a presentar unha reclamación perante a Axencia Española de Protección de Datos (www.aepd.es). Poderase obter máis información na web municipal ou contactando co delegado de protección de datos no enderezo: dpd.vigo@vigo.org.

NOVENA. VIXENCIA DO CONVENIO

A vixencia do convenio será desde a sinatura ata que finalice o período de execución do proxecto, prórrogas incluídas (31 de decembro de 2021) sempre que non medie denuncia de algunha das partes, formulada de forma fidedigna con tres meses de antelación, ou se dea por rematado en calquera momento por mutuo acordo entre as partes, previa comunicación polo menos cun mes de antelación, ou por causa maior.

De xeito anual as partes asinarán as correspondentes addendas de actualización das actividades formativas, que non suporán necesariamente, salvo que o recollan expresamente, denuncia o



XUNTA DE GALICIA

modificación deste convenio.

De conformidade, asinan este convenio por cuádruplicado no lugar e data sinalados no encabezamento,

O director xeral de Orientación e Promoción Laboral

O concelleiro de Cultura,
Emprego e Participación Cidadá
do Concello de Vigo

Pablo Casal Espido

Abel Losada Álvarez

A secretaria do Goberno Local

M.^a Concepción Campos Acuña